

ODLUKA O IZMJENAMA I DOPUNAMA ODLUKE O VISINI KOMUNALNIH TAKSI NA PODRUČJU OPĆINE HADŽIĆI*

("Službene novine KS", broj 1/26)

Član 1.

(Predmet)

Ovom Odlukom vrše se izmjene i dopune Odluke o visini komunalnih taksi na području Općine Hadžići ("Službene novine Kantona Sarajevo", broj 14/22).

Član 2.

U članu 2. Odluke o visini komunalnih taksi na području Općine Hadžići ("Službene novine Kantona Sarajevo", broj 14/22) u stavu (1) tačka a) mijenja se i glasi:

a) Obavljanje djelatnosti,

Član 3.

U članu 3. u stavu (1) tačka a) mijenja se i glasi:

a) Obavljanje djelatnosti podrazumijeva svaki oblik poslovanja koji obavljaju pravna ili fizička lica registrovana u skladu sa pozitivnim materijalnim propisima,

Ostatak teksta ostaje nepromijenjen.

Član 4.

U članu 6. stav (4) – briše se.

Član 5.

U članu 9. naziv člana 9. mijenja se i glasi (Iznos takse za obavljanje djelatnosti), te se u članu 9. stav (1) riječi "svaku istaknutu firmu" zamjenjuju riječima "svako obavljanje djelatnosti".

U stavu (2) riječi "istaknutu firmu" zamjenjuju se riječima "obavljanje djelatnosti".

U stavu (3) riječi "sve istaknute firme" zamjenjuju se riječima "obavljanje djelatnosti".

Član 6.

U članu 10. stav (5) riječi "na istaknutu firmu" zamjenjuju se riječima "za obavljanje djelatnosti".

Član 7.

U članu 12. broj "5.000,00" zamjenjuje se brojem "15.000,00".

U članu 12. dodaje se novi stav koji glasi:

(2) Priređivač igara na sreću dužan je platiti komunalnu taksu u iznosu propisanom prethodnim stavom, dok je oslobođen plaćanja takse za obavljanje djelatnosti propisane članom 9. Odluke o visini komunalnih taksi na području općine Hadžići.

Član 8.

U članu 13. broj "50,00" zamjenjuje se brojem "100,00".

Član 9.

U članu 18. dodaje se novi stav koji glasi:

(2) Sredstva ostvarena na osnovu naplate komunalne takse mogu se koristiti za tekuće održavanje lokalne saobraćajne i komunalne infrastrukture kojom upravlja Općina, za pokriće rashoda nastalih radom inspekcija kojima raspolaže Općina, kao i za druge namjene utvrđene pozitivnim materijalnim propisima.

Član 10.

U članu 19. riječi "na istaknutu firmu" zamjenjuju se riječima "za obavljanje djelatnosti".

* Odluka je objavljena u "Službenim novinama KS", broj 1/26 od 8. januara 2026. godine. Odluka je donijeta na osnovu člana 6. Zakona o komunalnim taksama ("Službene novine Kantona Sarajevo", broj 8/22), članova 8., 13. i 36. Zakona o principima lokalne samouprave ("Službene novine Federacije BiH" broj 49/06 i 51/09), Mišljenja Ustavnog suda Federacije Bosne i Hercegovine ("Službene novine Federacije BiH", broj 33/25) i člana 24. Statuta Općine Hadžići.

Član 11.

U članu 20. naziv člana 20. mijenja se i glasi (Taksene obaveze nakon objavljivanja Mišljenja Ustavnog suda Federacije Bosne i Hercegovine ("Službene novine Federacije BiH", broj 33/25)), te se u članu 20. riječi "Presude Ustavnog suda Federacije Bosne i Hercegovine, broj U-37/19 u "Službenim novinama Federacije BiH", broj 11/21 od 10.02.2021. godine" zamjenjuju riječima "Mišljenja Ustavnog suda Federacije Bosne i Hercegovine ("Službene novine Federacije BiH", broj 33/25) od 07.05.2025. godine, a koje se odnose na obavezu plaćanja takse na istaknutu firmu".

Član 12.

Ova Odluka stupa na snagu danom objavljivanja na Oglasnoj ploči zgrade Općine i bit će objavljena u "Službenim novinama Kantona Sarajevo".